



東坡內制集卷第八

元祐三年端午貼子詞

皇帝閣六首

其一 五言

盛德初融後潛陰未始時侍臣占易象明兩作重

其二

採秀擷群芳爭儲百藥良太醫初薦艾庶草驗蕃昌

其三

微涼生殿閣習習滿皇都試問吾民愠南風為解無

其四 七言





西檻新來玉宇風侍臣茗盃得雍容庭槐似識天顏  
喜舞破清陰作兩龍

其五

講餘之程轉回廊始覺深宮夏日長揚子江心空百  
鍊只將撫遠鑑興亡

其六

一扇清風灑回寒應緣燕白在冰純坐知四海蒙膏  
澤沐浴君王德似蘭

太皇太后閣六首

其一五言

室通翠浪暑殿轉清風簾捲東朝散金烏未遽中

其二

日來蠶收簇風高麥上塲朝來籍田令菰黍獻時芳

其三

舞羽諸羌伏銷兵萬彙蘇只應黃紙誥便是赤靈符

其四七言

令節陳詩歲歲新從臣何以壽吾君願儲醫國三年

艾不作沉湘九辨文

其五

忠臣諒節今千歲孝女孤風滿四方不復巫陽占郢



夢空餘仲御扣河章

其六

長養恩深動植均只憂貪吏尚殘民外廷已拜梟羹  
賜應助吾君去不仁

皇太后閣六首

其一五言

露華琴書冷瑀樂饗餌新深宮猶畏日應念暑耘人

其二

萬壽菖蒲酒千金琥珀不血年年行樂處新月掛池臺

其三

信物室棟節黍復纏菰水殿開冰鑑瓊將冰凍至

其四七言

秘殿扶踈夏木深雨餘初有一蟬吟應將羸女乘鸞  
扇更助南風長棘心

其五

上林珎木暗池臺蜀產吳包萬里來不獨繁中見盧  
橘時於稷裏得揚梅

其六

閔楚遺風萬古情湘沅舊俗到金明翠輿黃繖何時  
幸畫鷁飛鳧盡日橫



皇太妃閣五首

其一五言

午景簾櫳靜薰風草木酣誰知恭儉德綵縷出親蠶

其二

雨細方梅夏風高已麥秋應憐百花盡綠葉暗紅榴

其三

辟兵已佩靈符小續命仍縈綵縷長不為祈禳得天

其四

李灑清泉金鴨噓空裏細煙自有梧楸郭裏

百仍欣麥黍報豐年

其五

良辰樂事古難同繡罽朱絲奉兩宮二宮自應襍百

夫人閣四首

其一五言

肅肅槐庭午沉沉玉漏稀皇恩樂佳節闔草得珠璣

其二

節物荆吳舊嬉游禁掖閑仙風隨畫簾拜賜落人間

其三七言



五綵榮高林稻香千門結艾鬢髯張旋開寶典尋風  
物要及靈辰共被禳

其四

欲曉銅餅下并攔鏗鏗今殿發清寒似聞人世南風  
熱日上墻東問幾年

賜大遼賀坤成節人使生餽口宣玩勝三年

有敕卿等肅將鄰好來慶誕辰徒馭久勞館宇初定

宜頒委積以示寵章

賜新除依前朝散大夫守尚書吏部侍郎克龍

圖閣待制傅克俞辭免恩命不允詔元祐三年五月二十三日

彰克俞夙望所在舊疾既平及茲言還慰我虛佇徒  
得君重雖暫屈於淮陽雅意本朝寧久安於馮翊復  
求自便殊異所期往修厥官務稱朕命

故皇叔祖昭信軍節度使檢校司空開府儀同

三司漢東郡王宗瑗祭文堂祭

惟王之生令德孝恭云何不淑罹此閔凶無復會朝  
載惻予哀往奠其寢維以飾終

故皇叔祖昭信軍節度使檢校司空開府儀同

三司漢東郡王宗瑗祭文下事

嗚呼死生之變賢愚莫逃日月有時義我當即遠哀榮



之極禮以告終來舉奠觴往安窀穸

賜守尚書右丞胡宗愈乞除閑慢差遣不允詔

元祐三年五月二十七日

敕宗愈朕開將大言路通來下情雖許風聞猶當核實豈以無根之語輕搖輔政之臣朕方馭衆以寬退人以禮加之美職付以大邦朕既無負於聽言卿亦何嫌而避位祇服乃事毋自為疑

賜正議大夫知樞密院事安燾乞退不允批荅

元祐三年五月十八日

省表具之宥密之司安危所寄雖羗酋欵塞少休烽

燧之虞而夏童跳邊猶煩籌策之馭翻然求去義有未安夫以朕大亨優賢之資豈不能助卿養志之具足以毋廢子職而能兼為國謀豈不休哉

賜正議大夫知樞密院事安燾乞退不許批荅

元祐三年五月十八日

省表具之乃眷西樞實參大柄吾欲兵民兼利戎夏兩安非宿業更變之臣懼有傷財玩寇之患卿當念先朝委重之久未可以親庭歸養為詞勉安厥官以副吾意

賜安燾乞退不允斷來章批荅口宣元祐三年六月一日



有敕卿以樞德首冠西極雅均至既隆仰成彌重宜安厥位以卒輔予

後苑瑤津亭開啓祈雨道場齋文坑肺三昧

六月徂夏方金火之爭三農望秋之雷雨之施嗟人

何罪逢歲之艱自非妙覺之等慈孰極疲氓於重困

有嚴禁苑祗建淨筵念我憂勞錫之膏澤非獨起焦

枯於田野抑將掃疾疫於里閭嘉與含生永均介福

後苑瑤津亭開啓謝雨道場齋文元祐三年六月五日

伏以祗畏之心格人天於影響覺慈之力反水旱於

躬伸周澤載濡農田告足既解蘊隆之患庶無流涸

虞柳異能仁曲垂昭鑒

永裕陵正月旦表本

伏以賓出日於陽谷堯歷方頒朝計吏於原陵漢儀

具舉恭惟謚號皇帝功恢禹迹德邁湯仁雖歲月之

屢遷想心威神而如在載瞻園寢空極望思

永裕陵二月旦表本

伏以時方啓蟄禮及獻羔感清衍之協風林懷思於

濡露恭惟謚號皇帝文武緯世聖靈在天岱嶽泥金

未講升中之禮荆山鑄鼎遷成脫屣之游永望寢園

徒增感慕



永裕陵四月旦表本

伏以日躔昴畢卦直乾離物蒙長養之仁世載文明  
之化恭惟謚號皇帝功成不宰德範無窮執炎帝之  
衡莫追往躅秩南郊之政空守成規祇望寢園惟增  
感慕

永裕陵十月旦表本

伏以戒寒堦戶倏及於秦正前晦行陵祗循於漢禮  
恭惟謚號皇帝懿文緯世厚德載時休老勞農追述  
養民之政厲兵講武敢忘經國之謀永望寢園益增  
感慕

永裕陵十二月旦表本

伏以商正紀歷大呂旋宮論時令以待來歲之宜獻  
民力之共宗廟之祀恭惟謚號皇帝至仁無外全德  
難名文物聲明但覩乘時之迹昆虫草木孰知成歲  
之功急景易遷求懷何極

賜尚書右僕射兼中書侍郎范純仁生日詔

三年六月九日

敕純仁卿河嶽之靈神明所相載更誕日永介壽祺  
體我眷懷受茲寵錫

賜北京恩異等州脩河官吏及都運運使運判



監丞等銀合茶藥并兵級等夏樂特支兼傳宣

撫問口宣元祐三年六月

有敕卿等夙夜河壩暴露野次屬茲暑雨深軫予懷  
往示寵頒少慰勞苦

撫問保寧軍節度使知大名府馮京兼賜銀合

茶藥口宣元祐三年六月

有敕河役方興吏士在野暑雨之除綏御為勞膺此  
寵頒尚加慎護

賜河西軍節度使西蕃邈川首領阿里骨進奉

回詔元祐三年四月十二日

朕聞里骨惟爾祖先世篤忠孝本與夏賊日尋干戈

亦惟恃我朝廷爵秩之隆用能保爾子孫黎民之衆

肆朕命爾嗣長乃師而承襲以來強酋外擅爾弗

禁恣其所為遂據洮城以犯王畧陰連夏賊約日盜

邊朕愍屬羗之無辜出偏師而問罪元惡俘獲餘黨

散亡山後底平河南綏服朕惟率酋豪而捍疆場乃

爾世功叛君父而從仇讎豈其本意庶能改過未忍

加兵果因物以貢誠願洗心而效順爾既知悔朕復

何求已指揮熙河路更不出兵及除已招納到部族

外住罷招納依舊許般次往來買賣及上京進奉爾



宜約束種類共保邊陲期寵祿於有終知大恩之難  
再勿使來欵復為虛言

賜太中大夫守尚書左僕射兼門下侍郎呂大  
防生日禮物口宣元祐三年六月

有敕乃眷良辰篤生元輔豈獨播紳之均王允為河華  
之英今遣爾甥往致朕命受茲休寵永介壽祺

賜皇弟山南東道節度使開府儀同三司大寧  
郡王似生日禮物口宣元祐二年六月

有敕乃眷賢王篤生茲日本枝之慶華萼相承宜  
分廩庫之良以致喬松之壽

賜正議大夫守門下侍郎孫固生日詔元祐三年六月

二十三日

敕孫固卿圖任之舊播紳所推難老之祥神人攸相  
載更良日益永壽祺申以寵章式隆眷遇

賜正議大夫知樞密院事安燾生日詔元祐三年六月

敕安燾桑弧告慶降哲輔於茲辰綵服拜嘉冠榮名  
於當代祗服朕命益壽乃親

賜五臺山十寺僧正省奇已下獎諭敕書元祐三年六月

六月十八日

敕清涼之峯仙聖所宅爰修淨供以慶誕辰再省恭



勤不忘嘉歎

玉津園賜大遼賀坤成節人使射弓例物口宣

元祐三年七月九日

有敕卿等既陳慶幣復展射侯豈獨娛賓亦將觀德宜有珍良之錫以旌審固之能

賜殿前司罷散坤成節道場香酒果口宣元祐

元祐

有敕卿忠存衛上義切戴君爰祝壽山克成梵供宜加寵錫以示眷懷

賜宗室開府儀同三司以下罷散坤成節道場

香酒果口宣元祐三年七月九日

有敕卿以令德懿親共輸誠悃名藍法供虔祝壽祺既徹淨筵宜加寵錫

就驛賜大遼國賀坤成節人使宴口宣元祐三年七月

元祐

有敕卿等遠馳使傳來會誕辰言念勤勞宜加旌寵特頒燕喜以示眷懷

就驛賜大遼賀坤成節人使花酒果口宣元祐

元祐

有敕卿等肅將慶幣來舉壽觴臨遣輔臣往頒燕



豆仍加寵賚以示眷懷

賜大遼人使賀坤成節入見訖歸驛御進口宣

元祐三年八月

有敕卿等初祀使車已陳慶幣退安館舍往錫燕醴式示眷懷且旌勞勩

賜大遼人使賀坤成節入見訖歸驛酒果口宣

元祐三年八月

有敕卿等趨庭致命就館即安少休行役之勞宜示眷懷之異式昭寵數往錫甘芳

班荆館賜大遼賀坤成節人使回程御進口宣

元祐三年八月

有敕卿等使事畢陳還車載啓改轍而北弭節少留就錫燕嘉式昭禮遇

太皇太后賜門下手詔元祐三年八月

敕門下皇帝嗣位于茲四年華夷來同天地並應而皇太妃以恭儉之德鞠育之恩雖典冊以時奉行而情文疑有未稱皇帝以祖考之奉尊無二上而吾惟春秋之義母以子貴其推天下之養以慰人子之心宜下禮部大常寺討尋如於典故有褒崇未盡事件令子細開具聞奏



賜馬步軍司罷散坤成節道場香酒果口宣瓶  
十二年七月

有敕卿等共罄臣衷力析茲心壽爰修法會亦既告成  
宜有寵頒以旌誠懇

賜知樞密院事安燾已下罷散坤成節道場香  
酒果口宣瓶祐三年七月一日

有敕卿等忠存廟社義篤君親嘉法會之有成祝聖  
齡於無極宜加寵賚以示眷懷

賜皇伯祖嗣濮王宗暉已下罷散坤成節道場  
香酒果口宣瓶祐三年七月二日

有敕卿等為國懿親助我孝治祝慈闈之永壽成法  
會於茲辰宜有寵頒以旌忠悃

賜皇叔楊王體泉觀罷散坤成節道場香酒果  
口宣元祐三年三月二日

有敕卿等以周邵之親躬任姒之養力祈壽嘏祇扣  
佛乘既徹淨筵宜膺寵賚

除苗授特授武泰軍節度使殿前副都指揮使  
勳封食實封如故制瓶祐三年七月二日

門下出檢元戎作先聲於士氣入為環尹寓軍政於  
國容將神闈外之威以迪師中之吉咨于爾眾朕得



其人侍衛親軍步軍副都指揮使威武軍節度觀察  
留後持節福州諸軍事福州刺史上柱國濟南郡開  
國公食邑二千八百戶食實封三百戶苗授早以異  
材見稱武畧被服忠義有列丈夫之風砥礪廉隅得  
士君子之槩荐揚邊圉益著勞能拔自衆人旣蒙先  
帝之遇遂拜大將無復一軍之驚祇扈殿巖肅將齊  
鉞予欲少長有禮而兵可用汝其夙夜在公而令必  
行於戲愛克厥威罔功茲為深戒師衆以順為武古  
有成言惟懋乃裏毋忘朕訓

賜太師文彥博已下罷散坤成節道場香酒果

口宣 朕祐三年七月

有敕元老在廷百官承式啓法造於林几字祝壽嘏  
慈闈宜有龍顏以助燕喜

相州賜大遼賀坤成節人使却回御造口宣 概

三年七月

有敕卿等遠筮征驂少休近郡載惟勤勩良極軫懷  
往錫宴觴以華歸騎

瀛洲賜大遼賀坤成節人使回程御造口宣 概

三年七月

有敕卿等遠聘通歡言歸復命改轍北道弭節邊城



宜錫燕觴少休行役

賜護國軍節度使濟陽郡王曹侁罷散坤成節道場香酒果口宣  
阮恪三年七月

有敕卿以耆德首冠戚藩慶祝壽祺告成法會宜加寵賚以助燕私

班荆館賜大遼賀坤成節人使回程酒果口宣  
阮恪三年七月

有敕卿等致命言還改轅伊始暑雨方作徒馭實勞宜有寵頒以昭眷遇

西嶽廟開啓祈雨道場青詞  
阮恪三年七月

伏以二華之尊作鎮於西極兆人所急望歲於秋  
穀既且滋雨不時霽敢以病告于我有神閱茲將播  
之苗賜以崇朝之澤惟神之德非我敢忘

奉宸庫翻修聖宇等庫了畢安慰土地道場齊  
文

伏以貨幣所藏有壞必葺聰直之鑒既成乃安爰仗  
佛慈以緩神守庶期昭格永底純熙

賜新除殿前副都指揮使武泰軍節度使苗授  
上第一表辭免恩命不許斷來章批荅  
阮恪三年七月

叶十九





原件短缺

P16



東坡內制集卷第八  
省表具之試材已舊謀帥尤艱故以久次用人欲其  
深練於事而卿辭以錮疾豈所望哉速即乃官毋復  
退避

賜新除殿前副都指揮使武泰軍節度使苗授  
上第二表辭免恩命不允斷來章批荅玩辭  
覽表具之環衛之嚴節制之重誕告多士以長萬夫  
朕輕用其人哉確然固辭未喻厥指往祗朕命毋曠  
乃官

賜新除殿前副都指揮使武泰軍節度使苗授  
辭免恩命第三表不允批荅口宣  
元祐三年七月二十日

揚善詞

臣以冲眇嗣承列聖之休濟于艱難實賴文母之德  
臨蒞四載勤勞百為畏天之威未嘗終日而豫怠視  
民如子惟恐一夫之困窮伏願上帝降祥衆真垂佑  
消禳災沴永底壽康恭陳寶籙之科仰扣神游之館  
敢祈昭鑒下察孝心



東坡內制集卷第九

中太一宮貞室殿為太皇太后消災集福罷散  
天皇九曜道場朱表

臣言仁者必壽信惟天地之心孝無不通宜從臣子  
之欲虔遵道範仰扣真廷庶同海宇之誠上集慈闈  
之福天威咫尺求聰明於我民聖壽萬年定于孫于  
下地更推博施普及丞生

顯聖寺壽聖禪院開啓太皇太后消災集福粉  
壇道場齋文

伏以躬儉節用本嚴房闈之風遺大投艱猥當廟社



之寄常恐德之弗類以召災于厥身敢即仁祠肆陳  
淨供恭延梵釋普施人天俾壽而康非獨輔安於寡  
昧與民同利固將燕及於華夷仰冀能仁曲垂照鑒

後苑瑤津亭開啓祈雨道場齋文

伏以常暘之沴歷月于茲近自都畿遠及閩輔豈獨  
西成之害將為宿麥之憂仰止覺慈必垂善教普集  
山川之宇來登梵釋之筵罔吝膏濡以興焦槁

閣門賜新除徐王告口宣肱祐三年八

有敕卿望隆尊屬德冠宗藩改殿大邦實諧群議往  
歲朕命以為國華

皇叔故魏王啓殯祭文

惟靈噩衣累朝之餘慶兼天下之達尊祖述之儀哀榮  
斯極永惟宅兆之卜未逢歲月之良參酌時宜遷紳  
郊館啓殯之始寓哀斯文

皇叔故魏王外殯前一夕夜祭文

惟王之生孝友仁慈既沒元身舉國懷思矧予冲眇  
義兼父師天不我遺日月如馳出次近郊寓此仁祠  
親奠莫及寧知我悲

皇叔故魏王下事祭文

惟靈出就外邸二年于茲一日不見企予望思矧此



告終月逝日遠雖云近郊寧復旋返築室祠宮既固  
既完雖非永歸亦可以安嗚呼哀哉

賜皇叔改封徐王顥上表辭免冊禮允詔

元祐  
八月二日

敕卿大雅不群自得詩書之富為善最樂不知軒冕  
之榮既殿文邦宜膺盛禮而抑損之志逡巡不居雖  
莫稱朕所以極褒崇之心而將使卿庶幾獲謙冲之  
福勉從其意嘉歎不忘

賜皇叔改封徐王顥上表辭免冊禮許詔

敕顥錫山土田以昭令德備物典冊盖有常儀而卿

辭懼滿盈過形抑畏一謙四益當克永年三命滋恭  
固將有後曲成美志以勸事君宜依所乞

賜太師平章軍國重事文彥博上第一表乞致

仕不許批荅元祐二年

覽表具之昔師尚父九十秉旄杖鉞猶未告老此諸  
葛元遜所以屈張昭也而衛武公百年猶箴儆於國  
曰無以我老耄而捨我此左史倚相所以誨申公也  
今卿壽考康寧而退托衰病自引求去獨不念天下  
之士有如彼二子者議其後乎姑安厥官以荅公論  
賜太師文彥博上第一表乞致仕不允批荅



三年九月二日

覽見表具之朕聞之成王之政周公在前召公在後畢  
公在左史佚在右四子挾而維之目見正色耳聞正  
言一日即位天下曠然未聞四子者以老而求退亦  
未聞成王以老而聽其去也朕雖不德猶庶幾成王  
之治卿雖老矣獨不能以四子之心為心乎勉卒輔  
朕無愧前人

賜太師文彥博乞致仕不允斷來章批卷口宣

元祐三年九月五日

有教者老在位華夷聳觀若聽公歸恐失民望朕命

公其少留

賜龍圖閣學士河東路經畧使兼知太原府曾

布乞除一閑慢州郡不允詔元祐三年七月二十一日

救曾布將不允任難以責成謀不素定難以應猝卿  
屢更試而用所臨有聲而况二年于茲諸將所服事既  
即叙入誰易卿夫擣虛攻瑕兵家常勢知難避整美  
狄亦然卿若有以待之彼將望而去矣勉卒乃事毋  
忘朕言

故尚宮吳氏墳所祭文

惟爾之生服勤乃事逢日之吉歸全于郊式榮其終



往致斯奠

西路闕雨於濟瀆河瀆濬瀆廟祈雨祝文

伏以水旱之事山川所司農服穡以有秋天密雲而  
不雨愧我不德瀆于有神願為三日之霖大慰一方  
之望國有常報我其敢忘

撫問秦鳳路臣寮口宣肫祐三畔此

有敕卿等久以選掄出分憂寄疆場之重緩御為勞  
宜示眷懷往宣指諭

除皇伯祖宗晟特起復制元祐三年十一月

門下會閱之哀喪不貳事漢唐之舊禮有奪情矧予

為家伯臣司宗職不可曠要經服事古有成言非  
予爾私其聽朕命皇伯祖彰化軍節度涇州管内觀  
察處置等使檢校司空開府儀同三司持節涇州諸  
軍事涇州刺史判大宗正事上柱國高密郡王食邑  
七千八百戶食實封二千四百戶宗晟天資純茂德  
履方嚴龍襲餘慶於祖宗蹈格言於師保典司屬籍  
克有令名郢容卒業於浮丘辟疆受知於先帝允釐  
厥位無愧昔人屬此閔凶屢然毀瘠嗟日月之逾邁  
重職業之久虛宜復寵名式從權制於戲出居官次



非王事不談退適倚廬讀喪祭之禮則忠孝兩得人  
無間言功名益隆親有顯譽勉服朕訓光昭前聞

賜皇伯祖宗晟辭免起復恩命不允批荅口宣

元祐三年十月十日

有敕官不可曠禮有從權苟愛君如愛親則王事為  
家事勉遵舊服少屈私誠

賜皇伯祖宗晟辭免起復恩命不允斷未章批

荅口宣元祐三年十月十八日

有敕卿哀慕未衰懇辭彌力既寒暑之一變宜忠孝  
之兩全勉從朕言起服乃事

相州賜大遼賀興龍節使副御筵口宣

有敕卿等將命鄰邦服勤郵傳久薄風霧少休車徒

宜體眷懷式同燕衍

賜知渭州劉昌祚進奉興龍節銀詔元祐三年十月六日

敷昌祚卿禦侮邊庭馳神魏闕會嘉辰之獻壽納貢

篚以效珍載省忠勤不忘褒歎

相州賜大遼賀興龍節人使回程御筵口宣

三年十月九日

有敕卿等夙駕歸軒少休旁郡眷言勞勩良極顧懷  
往錫燕嘉以旌恩眷



撫問知大名府馮京口宣  
元祐三年閏八月八日

有敕卿等夙分重寄言念久勞歲聿云周王事靡盬益加輔養以副眷懷

冬季傳宣撫問河北東路沿邊臣寮口宣  
元祐三年閏八月二日

閏八月二日

有敕疆場之守職思其憂霜露既凝歲聿云暮宜加厚愛以副眷懷

賜知渭州劉昌祚進奉謝恩并賜月俸公使及

賀端午節馬詔  
元祐三年十月十四日

敷昌祚卿執德宏毅秉心恪恭拜新渥於公朝謹舊

儀於令節抗章來上因物見誠再省忠勤良深嘉歎

內中御侍已下賀皇帝冬至詞語  
元祐三年十月

伏以日合天統時推建子之正律中黃鍾氣驗微陽

之應德施自上惠均於民伏惟皇帝陛下道配皇王

化行夷夏觀其來復見乎天地之心靜以無為待此

陰陽之定雲物告瑞宮聲協和豈惟至治之祥自得

上天之祐一人有慶萬壽無疆妾等蒙被天光叨塵

婦職敢獻如山之祝庶同率土之歡

內中御侍已下賀太皇太后冬至詞語

伏以書奏清臺驗曆象之邃密日移黃道迎化國之



舒長寰宇和平宮闈歡豫恭惟太皇太后陛下教隆  
陰禮位正坤儀嗣大任之徽音道光千古衣明德之  
大練儉化六宮體柔靜以臨朝配清明而燭物慶雲  
可望共占至治之祥形史何知莫替無為之德妾等  
猥參女職仰奉慈顏因來復之一陽祝無疆之萬壽  
內中御侍已下賀皇太后冬至詞語

伏以候氣葭灰喜律尚之已應課功絲線知官日之  
初長品物向榮掖廷胥悅恭惟皇太后殿下母臨四  
海婦應東朝求賢審官但有憂勤之志躬儉節用豈  
忘澣濯之衣宜福祿之日康樂宮闈之無事妾等盥

壽  
女職獲奉慈顏願先柏酒以稱觴更指椿年而獻

賜樞密安燾已下罷散興龍節道場香酒果口  
宣元祐三年十一月十日

有敕樞機之臣社稷是衛夙設人天之供共祈箕翼  
之祥宜膺寵頒式助燕喜

賜駙馬都尉李瑋已下罷散興龍節道場香酒  
果口宣元祐三年十一月十日

有敕震夙紀辰邇遐同祝乃眷戚藩之重預修淨供  
之嚴亦既告成宜膺寵錫



賜殿前副都指揮使苗授已下罷興龍節道場

香酒果口宣元祐三年十月二十日

有敕卿等以衛上之忠屬誕彌之慶預嚴淨會以薦壽祺及此告成宜加寵賚

賜權管勾馬軍司公事姚麟已下罷散興龍節

道場酒果口宣元祐三年十月二十日

有敕卿等率職周廬歸誠梵宇共致延鴻之祝出於忠愛之深宜錫珍芳以助燕衍

賜皇伯祖宗晟辭免起復恩命不許詔元祐三年十月五日

敕宗晟夫要經服事出於孔門墨衰從政見於魯史

不惟徇國忘家之美并有食稻衣錦之嫌若非

居之而安則吾豈敢強所不欲勉從前詔往服

賜皇伯祖宗晟辭免起復恩命不允詔元祐三年十月二十日

敕宗晟卿德爵與齒皆天下達尊服屬之隆為宗室

祭酒任獨高於三世報宜異於常人故奪情非以私

卿而服事所以徇國義無所愧何以辭為

賜正議大夫知鄧州蔡確乞量移弟頌允詔元祐三年十月二十日

元祐三年十月二十日

敕蔡確以義書備春秋有失教之譏以情內恕詩人

有將母之念願之得罪事在有司難以貴近之親而



廢朝廷之典及觀來請有槩予心重遠兄弟急難之詞以傷人子奉養之意

興龍節尚書省賜宰相已下酒果口宣元祐三年十一月

有敕誕彌之慶中外所同眷我臣隣共茲燕喜宜加寵賚以示眷懷

就驛賜大遼賀興龍節使副鈔鑼等口宣元祐三年十一月

十二月二日

有敕卿等肅將鄰好遠涉寒塗眷言授館之初宜有勞來之禮往加寵錫以示眷懷

七月賜大遼賀興龍節人使內中酒果口宣元祐三年十一月

三年十一月五日

有敕卿等杞車就館布幣造廷既欣鄰好之修復歎使華之美就加寵賚以示眷懷

玉津園賜大遼賀興龍節人使射弓御筵口宣

有敕卿等使節有華鄰歡載講既娛賓於靈囿將觀德於射侯宜有寵頒以旌命中

相州賜大遼賀正旦人使御筵口宣元祐三年十一月六日

有敕卿等春朝畢會鄰聘交馳屬徂歲之馭寒念遠勤於行李往頒燕衎以重使華

趙州賜大遼賀正旦使副茶藥口宣元祐三年十一月十日



有敕卿等遠修舊好屬此冰寒載歷山川久蒙霜露  
宜有精良之賜式彰軫念之懷

趙州賜大遼賀太皇太后正日使副茶藥口宣

元祐三年十一月十日

有敕卿等遠馳四牡來慶三朝屬此歲寒勞於行役  
宜膺寵錫以示眷存

班荆館賜大遼賀興龍節人使到闕御筵口宣

有敕卿等遠將鄰好至止都門屬霜霧之嚴凝念  
車徒之勤瘁宜伸燕衎以示眷懷

賜大遼賀興龍節人使朝辭訖就驛酒果口宣

元祐三年十一月五日

有敕卿等畢事告旋指期言邁念征途之勞瘁迫得  
歲之冰寒體我至懷膺茲寵錫

賜大遼賀興龍節人使朝辭訖歸驛御筵口宣

元祐三年十一月五日

有敕卿等聘事告成陞辭言邁念歸途之云遠復賓  
館之少留體我眷懷共茲宴喜

賜皇伯祖宗晟辭免起復恩命不許詔

元祐三年十一月十日

敕宗晟卿哀迫之至言不及文覽之惻然欲從所請  
而宗子之衆才性各殊位不期驕祿不期侈非卿乞



蹈忠信力行禮義以身先之蓋未易齊也少屈尔私以成吾志不亦可乎

賜皇伯祖宗晟辭免起復恩命不允詔

敕宗晟卿以強起就位為未便安而朕以徇私忘公為未盡美書云孝乎惟孝友于兄弟施於有政是亦為政夫聖人以孝弟為從政而卿以從政為非孝非所聞也勉從朕命勿復固辭

賜文太師已下罷散興龍節道場香酒果口宣

元祐三年十一月二日

有敕乃眷師臣身先百辟有嚴淨供祇薦萬齡宜有

勞績以助燕喜

興龍節尚書省賜知樞密院事安燾已下酒果

口宣元祐三年十一月十日

有敕卿等任重樞機忠存廟社屬誕辰之薦壽脩法會以告成錫以珍芳助其燕喜

賜皇叔徐王罷散興龍節道場香酒果口宣

三年十一月二日

有敕卿望隆周召德邁間平屬誕慶之紀辰仗佛乘而薦祉助茲宴喜錫以丕嘉

賜濟陽郡王曹佾罷散興龍節道場香酒果口



宣元祐三年十一月

有敕卿寵冠威藩望隆舊德將祝無疆之壽故修最上之乘既徹淨筵宜膺寵錫

賜皇伯祖嗣濮王宗暉已下罷散興龍節道場香酒果口宣元祐三年十一月十日

有敕眷我宗英乃心王室修彼龍天之供慶茲虹電之祥宜有頒分以成燕喜

賜皇叔祖同知大宗正事宗景罷散興龍節道場香酒果口宣元祐三年十一月十日

有敕乃眷宗英祇率藩服慶誕辰而薦壽修淨會以

宜有頒分以助燕喜

十月賜大遼賀興龍節人使內中酒果口宣元祐三年十一月十日

有敕卿造廷稱壽率禮可觀豈惟鄰好之修亦見使華之美宜膺寵錫以示至恩

賜大遼賀興龍節人使生餼口宣元祐三年十一月十日

有敕卿等遠持慶幣申講和歡徒馭有華舍館方定宜往餼牽之錫以旌郵傳之勤

班荆館賜大遼賀興龍節人使回程御筵口宣元祐三年十一月十日



有敕卿等告辭中禁改乘北轅屬晚歲之嚴凝念征途之悠緜往頒嘉燕可復少留

班荆館賜大遼賀興龍節人使却回酒果口宣

元祐三年十月二日

有敕卿等改轅北路供帳都門風埃浩然徒馭勤止宜膺寵錫以示恩華

瀛州賜大遼賀興龍節人使回程御筵口宣

元祐三年十月二日

有敕卿等回車北道弭節邊亭使事已終歸驂少憩

頒筵行苑西門春梓

故渭州防禦使宗孺出殯一夕祭文

惟靈飭躬寡過秉德不回莫克末年遂即長夜哀榮之典國有故常死喪之感予惟惻愴

故渭州防禦使宗孺下事祭文

嗚呼宗枝之秀罹此降災日月有時禮當即遠奄臨電安肆設几筵往致予哀來歆此奠

賜皇弟普寧郡王似生日禮物口宣

元祐三年十月二日

有敕朕之介弟生以茲辰眷棣萼之相輝祝椿齡之難老宜同慶喜往致寵頒

維州撫問大遼賀正旦人使口宣



有敕卿等肅將慶幣來會春朝遠犯風埃實勞徒馭  
欣聞入境良尉眷懷

賜河西軍節度使西蕃魏川首領阿里骨進奉

回程詔元祐三年

敕阿里骨卿屢款塞垣願終臣節爰因貢篚益著誠  
心再省忠勤良深嘉歎

皇帝回大遼皇帝賀興龍節書

世睦寶鄰申以無窮之好歲馳華使及茲載夙之辰  
閱詞幣之兼隆識情文之備至願言欣感難悉究陳  
皇帝達太皇太后回大遼皇帝問候書

臣今日準中書省批送到宗晟辭免起復恩命劄子  
奉聖旨送學士院降詔不允謹按宗晟飭行有素持  
喪中禮所辭恩命已四不允而宗晟確然固守其詞  
愈哀且曰念臣執喪報親之日短致命徇國之日長  
出於至誠可謂純孝臣謂宗晟未經祥練之變且無  
金革之虞孝治之朝宜聽所守因以風厲宗室庶若  
守禮篤親顧不美哉若以宗正之任恐難其人亦當

劄子

臣今日準中書省批送到宗晟辭免起復恩命劄子

奉聖旨送學士院降詔不允謹按宗晟飭行有素持

喪中禮所辭恩命已四不允而宗晟確然固守其詞

愈哀且曰念臣執喪報親之日短致命徇國之日長

出於至誠可謂純孝臣謂宗晟未經祥練之變且無

金革之虞孝治之朝宜聽所守因以風厲宗室庶若

守禮篤親顧不美哉若以宗正之任恐難其人亦當



差官權攝須其從吉復以命之臣忝備禁從不敢不  
言所有不允詔書臣未敢撰取進止

賜皇伯祖宗晟辭免起復恩不許詔 元祐三年

敕宗晟卿致孝罔極守禮不回以魯衛之親而行曾  
閔之事吾深欲成人之美遂卿之私顧以宗臣治親  
有國先務教以道藝時其冠昏獎察其賢能而訓謫  
其驕惰非吾宗室之老孰當父兄之任其深明吾意  
往服厥官

賜皇伯祖宗晟辭免起復恩命不允詔 元祐三年二  
月二十二日

敕宗晟君子之於禮雖先王未之有可以義起而况

唐之舊故事具存如翟方進房喬之流皆以儒  
身不免於釋哀而謀國近歲夏竦晁宗慤亦以道  
臣奪喪君子不以為過今宗正之事止於治親雖  
父兄訓敕子弟豈以衰麻之故而廢閨門之政乎卿  
其勿疑亟服乃事



東坡內制集卷第十

賜朝散大夫守尚書吏部侍郎克龍圖閣待制

傅堯俞乞外郡不允詔元祐三年閏十月十四日

敕堯俞卿望重本朝進由公議方卿大夫有為之際亦士君子難得之時而卿出領郡章入佐治典席未暖而輒去政何時而報成小疾行瘳姑安厥位

太皇太后賜門下手詔元祐三年閏十月十四日

敕門下官冗之患所從來尚矣流弊之極實萃于今以黜計負至相倍蓰上有父間失職之吏則下有受害無告之民故命大臣考求其本苟非裁損入流之



數無以澄清取士之源吾今自以眇身率先天下永  
惟臨御之始嘗敕有司蔭補私親舊無定限自惟薄  
德敢配前人已詔家庭之恩止從母后之比今當又  
損以示必行夫以先帝顧託之深天下責望之重苟  
有利於社稷吾無愛於髮膚矧此恩私實同毫末忠  
義之士當識此誠各忘內顧之心共成節約之制今  
後每遇聖節大禮生辰合得親屬恩澤並四分減一  
皇太后皇太妃準此

賜皇伯祖宗晟辭免起復恩命許終喪制誥

三年閏十  
二月二日

敕宗晟夫哀麻之哀達於上下損益之變權以重  
雖事君均於事親而奪志難於奪帥俛聽終喪之  
以成致孝之全言念篤誠實增屢歎

賜端明殿學士銀青光祿大夫致仕范鎮將大論

詔元祐三年閏  
二月二日

敕范鎮朕惟春秋之後禮樂先亡秦漢以來詔武僅  
在散樂工於河海之上往而不還聘先生於齊魯之  
間有莫能致魏晉以下曹鄴無譏豈徒鄭衛之音已  
雜華戎之器間有作者猶有與刑然銖黍之一差或  
宮商之易位惟我四朝之老獨知五降之非審聲知



音以律生尺覽詩書之未上閱篋虞之在廷君臣同  
觀父老大息方詔學士大夫論其法工師有司考其  
聲上追先帝移風易俗之心下慰老臣愛君憂國之  
志究觀所作嘉歎不忘

賜保寧軍節度使知大名府馮京進奉賀興龍

節馬一疋并冬節馬二疋詔元祐三年閏十月十八日

敕馮京卿坐鎮全魏隱若長城遠馳頌禱之心來效  
駉駉之貢眷言忠盡良極嘉歎

賜泰寧軍節度觀察留後知相州李珣進奉賀

冬馬二疋詔元祐三年閏十月十八日

敕李珣卿宣化近邦馳神北闕為茲陽月之吉遠  
玉闕之良言念忠勤不忘嘉歎

賜殿前都虞候寧州團練使知熙州劉舜卿進

奉賀冬馬敕書元祐三年閏十月十八日

敕劉舜卿職在分憂忠存衛上屬此泰山之旦遠輸  
異產之良再省忠勤不忘嘉歎

賜大遼賀正旦人使正月一日就驛御筵口宣

元祐三年閏十月二十五日

有敕使華遠至春律肇新即卿舍館之安昭我惠慈  
之眷徃陳燕豆以樂佳辰



賜大遼賀正旦人使內中酒果口宣元祐三年閏二月二十五日

有敕卿等瑞節華軒來修舊好芳醪珍實三新春

膺此寵頒體予異眷

班荆館賜大遼賀正旦使臣回程御筵口宣元祐三年閏二月二十五日

二年閏二月二十五日

有敕卿等使事告成旋車言邁方改轅於北道暫弭

節於都門昭示眷懷少留宴行

賜于闐國進奉人正旦就驛御筵口宣元祐三年閏二月

有敕重譯遠來觀光戾止屬人正之改律樂天叙之

發春宜示寵式同燕喜

賜外任臣寮進奉興龍節馬詔敕書元祐三年閏二月十八日

敕劉舜卿汝忠於衛上遠不忘君爰因彌月之晨來

效克庭之禮眷言勤篤良極歎嘉

梧州賜大遼國駕正旦人使回程御筵燕傳宣

撫問口宣元祐三年閏二月二十五日

有敕卿等已事告歸柅居少憇眷言長道遠犯餘寒

宜錫燕嘉以旌勞勩

賜大遼賀正旦人使銀鈔鑼唾盃子錦被等口

宣元祐三年閏二月十八日



有敕卿等遠將鄰好來慶春朝眷言跋履之勤宜有  
珍華之錫受茲異寵體我至懷

皇太妃宮閣慶落成開啟道場青詞

伏以良辰襲吉華構一新仰荷褒崇之私得伸鞠育  
之報落成告備法會有嚴請命上穹馳神貞聖庶精  
誠之必達錫壽祉於無窮無任懇到之至

玉津園賜大遼賀正旦人使射弓例物口宣  
祐

三年閏十一月三日

有敕射以娛賓抑將觀德發而命中曾不出正宜旌  
審固之能膺受珍良之賜

瀛州賜大遼賀正旦人使迴程御筵口宣  
元祐三年閏十二月二十九日

有敕卿等已聘言還犯寒遠邁方脂車於道北復弭  
節於邊城宜錫宴嘉以旌勞勩

班荆館賜大遼賀正旦人使却回酒果口宣  
元祐四年正月一日

有敕卿等還璋言邁弭節少留念鞭轡之方勤浹水  
霜之餘凜宜陳燕俎以寵歸軒

正月六日朝辭訖就驛賜大遼賀正旦人使御

筵口宣  
元祐四年正月一日



有敕卿等使事告成陞辭言邁命近臣之往勞庶遠道之少留體我眷懷共茲宴衍

賜中大夫守尚書左丞王存生日詔玩祐四年

敕王存在易之泰與物皆春於時良臣生我王國宜膺寵賚以介壽祺

賜龍圖閣直學士正議大夫權知開封府呂公

著上表陳乞致仕不允詔玩祐四年

敕公著朕雞鳴而起志於求助給皆之老未敢即安矧卿體力不衰髮齒猶壯遽有引年之請殊乖圖舊之心宜安厥官以稱朕意

賜呂公著上表陳乞致仕不允詔

敕呂公著卿將相三世凜乎正始之風出入四朝蔚然難老之狀浩穰之治談笑而成方觀報政之能遽有歸休之請公議未可卿其少安

撫問郵延路臣寮口宣玩祐八年

有敕卿等分寄邊陲輯寧吏士眷言勤勩良極軫懷徃致朕言各宜尚慎

賜光祿大夫守吏部尚書兼侍讀蘇頌上表乞

致不許詔元祐四年正月三日

敕蘇頌吾聞有志之士以身御道而遺名有道之君使



東坡內制卷之十  
人樂用而忘老今卿不安其位豈吾有愧於古哉夫  
難進之士年僅及而輒退則已試之才吾莫得而盡用  
矣激揚多士方資崔毛之德講誦舊聞未卒楮馬之  
業事非小補卿其少安

賜蘇頌上表陳乞致仕不允詔

敕蘇頌卿歷事四朝允有一德徒論徐公之奢儉莫  
見子文之愠喜朕既寤寐折屣體貌元臣方貴德齒  
之達尊豈求筋力之常禮矧卿方膺難老之錫宜勵  
益壯之心惜日有為古人所重引年求去公議未安  
之為朕留以慰人望

賜濟陽郡王曹侂在朝假將百日特與寬假

理詔元祐四年正月  
二月

敕曹侂卿賢戚莫二德齒並隆眷言朝請之勤思見  
儀刑之老謝病既久軫念良深推予賜告之恩期於  
勿藥之喜宜特與寬假將理

賜西南蕃莫世忍等進奉勅書元祐四年正月  
二十一日

敕莫世忍汝守土遐陬歸誠北闕梯山修貢欵塞觀  
先言念忠勤至於嘉歎

靈泉宮宣光殿開啓神宗皇帝己辰道場齋文

元祐四年正月  
二十四日



狀以至德難名已立配天之極孝思永慕蓋有終身  
之憂惟是佛乘庶資冥福屬弓劍上賓之日就衣冠  
出游之庭虔設淨筵俾嚴勝果庶超貞覺永庇含生  
賜光祿大夫守吏部尚書兼侍讀蘇頌上第二  
表陳乞致仕不允詔元祐二年  
敕蘇頌夫天以多士寧王國而祖宗以成德遺後人  
方使壽考康彊以究其用而朕乃以引年而聽其去  
可乎矧卿鈐綜之精談笑而辦勉思職事以稱朕心  
賜蘇頌上第二表陳乞致仕不許詔  
蘇頌大官之任老成所宜坐執銓衡有山公晚年

之故事薄言煩雜獨蕭俛一時之偏詞卿其摠攬綱  
條闊畧苛細委蛇退食以慰士心

東太一宮翻修殿宇奏告十神太一真君祝文

元祐四年  
正月七日

於穆祠宮有嚴春祀吏以時而接視上揆日以修完  
庶就繁新永綏靈御仰祈昭鑒大庇含生

故尚服劉氏堂祭文元祐八年

惟靈選俗禁廷服勤內職逮茲淪謝良用愍傷饋奠  
之儀良榮兼至

故尚服劉氏墳所祭文元祐八年



惟靈服勤有年，惟命不淑。竈爨之事，日月有時。念尔永歸，欲予一奠。

撫問廊廷路臣寮口宣六月十一日

有敷卿等各膺器使，祗服邊陲。眷兹靖安，時乃忠力。特加勞問，以示顧懷。

新除權禮部尚書梁燾辭免恩命，不允。詔抗滋

院

敷梁燾卿出處以義，進退以禮。昔請補外，朕不得已而聽其去。今茲選用衆以為宜，而恨其晚。而卿又固辭，豈朕所望。成命不易，其速造朝。

賜宣徽南院使克太一宮使馮京乞依職任官

制祗赴六參不允詔六月十四日

敕馮京朕以卿耆老，厚德重煩，以庶事而卿篤恭盡禮，自同於有司。既朝朔望，尚復勤請，雖抑輒自警。知卿有衛武之風，而僕僕亟拜，非朕待予思之意。宜遵前命，以副眷懷。

賜右正議大夫守尚書左僕射呂大防生日詔

六月十五日

敕大防股肱之良，與國為重。家庭之慶，亦朕所同。適斯于獻，夢之辰均。既醉太平之福，膺予寵錫介爾壽。



棋

賜右正議大夫守尚書左僕射呂大防生日禮

物口宣

六月二十一日下院

有敕惟茲穀旦生我元臣爰分服食之良往助閨門之喜式為爾壽宜識朕心

賜皇叔徐王顥生日禮物口宣

六月二十一日下院

有敕乃眷賢王實為杜稷之衛載臨誕日未集邦家之休臨遣使車往致眉壽

就驛賜大遼賀坤成節人使銀鑼等口宣

六月二十一日下院

有敕卿等遠勤使節展慶誕辰畏暑長途万即安於舍館精金良幣宜往致於恩私

賜翰林學士中大夫無侍讀趙彥若辭免國史

脩撰不允詔

六月二十一日下院

敕彥若卿學世其家宜居載筆之地官宿其業已奏殺青之書自託不能殊非所望祇膺成命毋復固辭

賜皇弟大寧郡王佖生日禮物口宣

六月二十一日下院

有敕桑蓬示喜復臨載育之辰金幣展親往致友于之愛膺予寵賚俾爾壽昌

賜五臺山十寺僧正省奇等獎諭敕書

六月二十一日下院



東坡內傳卷之十一  
敕異景靈光久聞示化寶祠淨供爰膺誕彌念此恭  
勤至於嘉歎

賜河東節度使太師開府儀同三司太原尹致

仕文彥博溫溪心馬詔

此月二院

敕彥博惟我宗臣名震夷落狼心馱舌知獻厥誠朕  
以張奐拒羗之獻不如旅獒昭德之致已敕邊吏荅  
賜所直其馬今以賜卿至可領也

班荆館賜大遼賀坤成節國信使副到關酒果

口宣

此月四院

有敕卿等抗旃遠道解鞅近郊念館舍之未安宜驂

駟之少憇式頒芳旨以示眷懷

賜馬步軍大尉姚麟已下罷散坤成節道場香

酒果口宣

此月四院

有敕卿等誕辰祇慶法會告成嘉與函生同躋壽域  
往頒芳旨以勞忠勤

賜大遼賀坤成節使副生餼口宣

此月七院

有敕卿等抗旃暑路弭節驛亭眷惟行李之勤往致  
珍鮮之餽膺茲寵數服我眷懷

雄州白溝驛賜大遼賀坤成節人使却回御筵

兼傳宣撫問口宣

此月七院



有敕卿等飛蓋西風改轅北道喜山川之漸近忘徒御之久勞往致眷懷少留燕衍

玉津園賜大遼賀坤成節人使射弓例物口宣

七月八日下院

有敕卿等圭璋致命既已講歡弓矢娛賓亦將觀德宜有珎華之賜以旌審固之能

賜平海軍節度使駙馬都尉李瑋已下罷散坤

成節道場香酒果口宣七月十日下院

有敕卿等義重戚藩志同忠報屬誕辰之杓慶嘉法會之告成宜示褒優特加寵賚

賜殿前都指揮使以下罷散坤成節道場香酒

果口宣七月九日下院

有敕誕彌之慶海宇攸同嘉將帥之協恭設人天之妙果宜均寵錫以示褒優

賜皇伯祖高密郡王宗晟以下罷散坤成節道

場香酒果口宣七月九日下院

有敕眷我宗英志存忠報修等慈之妙供祝難老之昌期嘉此精誠均其慶賜

賜同知樞密院事韓忠彥已下罷散坤成節道

場香酒果口宣七月九日下院



有敕嘉我樞臣義均一體修茲淨供慶續千齡不有  
寵頒曷旌忠報

相州賜大遼賀坤成節人使却回御筵口宣批

九日  
下院

有敕鄰好旣成使華有耀眷邦畿之漸遠念郵傳之  
方勤服我恩私少留燕喜

賜大遼國賀坤成節使副時花酒果口宣批九日  
下院

有敕鄰歡旣展賓館歸休宜分醖竿之醇復致瓜華  
之脩少將至意其服茂恩

坤成節尚書省賜宰臣已下御筵酒果口宣批

十一日  
下院

有敕忠存柱石誠貫人天共欣誕日之臨旣畢祇  
之會宜頒芳旨以助燕私

皇帝達太皇太后迴大遼皇帝賀坤成節書

星火西流慶慈闈之誕日皇華北至講鄰國之誠言  
旣達來音俾修報禮感銘之素敷述難周

皇帝迴大遼皇帝問候書

輶車重幣已修交慶之儀尺素好音復講久要之信  
屬臨素節允迪純禧益冀保順式符企詠

坤成節賜同知樞密院事韓忠彥已下尚書省



御筵酒果口宣七月十二日下院

有敕修佛勝因祈天求命既肅成於林凡供益表見於忠誠宜有寵頒想同燕喜

賜徐玉罷散坤成節道場香酒果口宣七月十三日下院

有敕卿親賢莫二忠孝實兼饌蒲塞於祗園薦椿齡於崇慶喜成法會宜有寵頒

賜大遼賀坤成節人使朝辭訖歸驛御筵口宣

七月十二日下院

有敕卿等已聘告歸少休就館即頒燕俎臨遣輔臣式示異恩以榮回馭

班荆館賜大遼賀坤成節人使回程御筵口宣

七月十一日下院

有敕卿等方事回轅聊茲弭蓋念征途之尚未加利暑之未衰往錫燕嘉少休徒馭

賜宰相呂大防已下罷散坤成節道場香酒果

口宣七月十二日下院

有敕卿等竭誠衛上體國均休恪修西竺之儀仰獻南山之祝宜膺寵錫以示褒優

賜大遼賀坤成節使副內中酒果口宣七月十二日下院

有敕卿等來陳慶幣克講鄰歡載嘉遠聘之勤宜



示寵綏之意頒茲芳旨服我恩私

賜大遼賀坤成節人使朝辭訖歸驛酒果口宣

七月十二日下院

有敕卿等遠敷使事率禮無違既上謁辭言還日宜加頒錫益示寵榮

坤成節就驛賜阿里骨進奉人使御筵口宣

十四日下院

有敕汝等來修貢篚適逢誕辰宜均慶賜之恩共樂嘉之會往頒燕俎咸極歡心

瀛州賜大遼賀坤成節人使迴程御筵口宣

十四日下院

有敕鞭轡之勞封疆漸邇雖勤歸念少甜心暑途服我恩私式同燕喜

坤成節就驛賜于闐國進奉人使御筵口宣

十四日下院

有敕汝等奉琛遠至投館少留適逢誕辰宜均慶澤欽承恩澤共樂燕私

班荆館賜大遼賀坤成節人使回程酒果口宣

七月十七日下院

有敕卿等奉章來聘弭節言還眷此暑途少留歸馭



往頒燕俎式示恩私

賜夏國主進奉賀坤成節回詔七月二日下院

敕節紀誕彌慶均臨照眷守邦之雖遠亦執贄以奉  
同嘉與朝臣咸稱壽筭載惟忠恪宜有寵頒

嘉靖十三年江西布政司重刊

南豐縣學教諭繆宗道校正

東坡內制集卷第十畢

附語

坤成節集英殿宴教坊詞元祐二年七月十五日  
教坊致語

臣聞視履考祥既占東月之夢對時育物必有繼天  
之功方大火之西流履陰靈之既望帝於是日誕降  
仁人意使斯民咸歸壽域共慶千年之遇得生二聖  
之朝式宴示慈與民同樂恭惟皇帝陛下文思天縱  
履哲生知力行禹湯之仁常恐一夫之不獲躬蹈曾  
閔之孝故得萬國之歡心恭惟太皇太后陛下道契  
天人德超載籍知人則哲蓋帝堯之所難修已安民



雖虞舜其猶病風雲從而萬物覩日月照而四時行  
自然動植之咸安莫知天地之何力三官交慶群后  
駿奔寶鄰通四牡之歡航海致重譯之贐洞庭九奏  
始識咸池之音靈嶽三呼共獻後天之祝臣等叨居  
法部輒採民言上瀆宸聰敢陳口號

口號

三朝遺老九門前又見承平大有年文母憂勤初化  
俗曾孫仁孝已通天史書元祐三千牘樂奏坤成第  
一篇欲採蟠桃歸獻壽蓬萊清淺半桑田

勾合曲

秋風協應生殿閣之微涼廣樂具陳韻金絲而間作  
欲觀鳥獸之率舞願聞笙磬之同音上奉宸顏教坊  
合曲

勾小兒隊

朱干玉戚本以象功白叟黃童皆知頌聖去血命髮髦  
之侶來陳舞勺之儀上侑皇歡教坊小兒入隊

隊名

願同千歲樂長奏太平謠樂隊

問小兒隊

鑄京廣燕方雲集於措紳沂水游童忽鳧趨於庭廡



雖云小技必有可觀咫尺天顏悉言汝志

小兒致語

臣聞功存社稷慶鍾高密之門澤及本枝天胙太任之德候西風之入律藹瑞氣之盈庭嘉與四方同稱萬壽恭惟皇帝陛下文思稽古濟哲在躬日奉東朝之歡率用家人之禮以謂慈儉之化無德而能名保祐之功如天之難報惟流傳於歌舞庶髮鬢其儀刑臣等雖在弱齡久陶孝治敢率垂髫之侶共陳振萬之儀未敢自專伏取進止

勾雜劇

日轉雉扇雲開髮回綴兆之文少進俳諧之戲  
來陳善戲以佐歡聲上樂天顏雜劇來歟

放小兒隊

青衿旅進雖末技而畢陳黃屋天臨知下情之無壅  
舞成文於綴兆爰整袂以徘徊再拜天階相將好去  
勾女童隊

彤壺漏箭隨雞唱以漸移絳節綵髦聞鳳簫而自舉  
宜召散花之侶來陳回雪之姿上奉宸歡兩軍女童  
入隊

隊名



東坡樂府  
金風回翠袖玉筍倚清歌樂隊

問女童隊

鳳歌諧律方資燕俎之歡鷺羽分庭忽集壽山之下  
低鬟有待振袂欲前密邇天堦悉陳來意

女童致語

妾聞塗山啓夏采玉帛於萬邦摯仲興周胙本枝於  
百世嘉辰共樂壯觀一新恭惟皇帝陛下舜孝自天  
堯仁浹物膺昊穹之成命席累聖之詒謀惟地勢坤  
柔載無疆之德以天下養躬持胥樂之觴六樂在庭  
百工奏技妾等親逢盛日獲望嚴宸藝雲雖愧於驚

心已先於儀鳳願陳舞綴上奉天顏未敢自專伏  
取進止

勾雜劇

風清羽蓋日轉槐庭欲資載笑之歡必有應諧之妙  
暫回舞綴少進詼辭上悅天顏雜劇來歟

放隊

八音間作既成繳繹之文萬舞畢陳曲盡回翔之態  
望彤闈而却立歛翠袂以言歸再拜天墀相將好去

集英殿秋宴教坊詞

教坊致語



臣聞天無言而四時成聖有作而萬物覩清淨自化  
雖仰則於帝心愷悌不回亦俛同於衆樂屬此九秋  
之候察然萬寶之成吾王不游何以勞農而休老君  
手如喜則必大亨以養賢恭惟皇帝陛下孝通神明  
仁及草木行堯禹之大道守成康之小心華夷來同  
天地並應以謂福莫大於無事瑞曷加於有年南極  
呈祥候秋分而老人見西夷慕義涉流沙而天馬來  
嘉與臣工肅陳燕俎禮元侯於二夏諧庶尹於九成  
宣示御觴聳近臣之榮觀臚傳天語溢兩廡之歡聲  
幸觀昌辰叨塵法部採謠言於擊壤助矇眊之

陳詩仰奉威顏敢進口號

口號

霜霏碧瓦尚生烟日泛彤庭已集仙  
藹藹萬國屢豐年高秋爽氣明宮殿  
元祐和聲入管絃  
菊有芳兮蘭有秀從臣誰和白云篇

勾合曲

西風入律間歌秋報之詩南籥在廷備舉德音之器  
絃匏一倡鐘鼓畢陳上奉宸嚴孝坊合曲

可卜兒隊

皇慈下逮聲有執以均歡衆枝畢陳示四方之同樂



宜進垂髫之侶來修秉翟之儀上奉威顏教坊小兒  
入隊

隊名

登歌依頌磬下管舞成童樂隊

問小兒隊

大君有命肆陳管磬之音童子何知入造工師之末  
欲詳來意宜悉奏陳

小兒致語

臣聞天行有信正得秋而萬寶成君德無私日將旦  
而群陰伏清風應律廣樂在庭占歲事於金縷

頌之玉粹沐浴膏澤詠歌升平恭惟皇帝陛下天縱  
聰明日躋聖知無一物之失所得萬國之驩心雖擊  
壤之民固何知於帝力而後天之祝亦各抒於下情  
臣等幸以齟亂之年得居仁壽之域詠舞雩於沂水  
又樂聖時唱銅鞮於漢濱空慙俚曲願陳舞綴少奉  
宸歡未敢自專伏候進止

句雜劇

朱絃玉瑄屢進清音華翟文罕少停逸綴宜進詠諧  
之技少資色笑之歡上悅天顏雜劇來歟

放小兒隊



東坡樂譜  
田翔丹陛已陳就日之誠合散廣庭曲盡流風之妙  
歌鐘告闕羽籥言旋再拜天階相將好去

勾女童隊

錦薦雲舒采九成之丹鳳霞衣鱗集隱三壘之靈囿  
上奉宸嚴教坊女童入隊

隊名

香雲浮繡宸花浪舞彤庭樂隊

問女童隊

清禁深嚴方措神之雲集仙音彈緩忽簪珥之星陳  
徐步香茵悉陳來意

女童致語

安聞鈞天廣樂空傳帝所之游闔闔清風理絕庶人  
之共夫何僊聖靡隔塵凡仰瞻八采之威自慶千齡  
之運恭惟皇帝陛下乾健而粹高明而文規摹六聖  
之心人將自化儀刑文母之德天且不違樂茲大有  
之年申以宗慈之會虞韶既畢夏籥將興妾等分綴  
以須審音而作願候工歌之闕少同率舞之歡未敢  
自專伏取進止

勾雜劇

絃匏迭奏干羽畢陳洽聞舜樂之和稍進齊諧之技



金絲徐韻雜劇未歟

放隊

羽觴湛湛方陳既醉之詩鼉鼓淵淵復奏言歸之曲  
義鬣佇立歛袂却行再拜天階相將好去

興龍節集英殿宴教坊詞

元祐二年

教坊致語

臣聞帝武造周已兆興王之迹日符胙漢實開受命  
之祥非天私我有邦惟聖乃作神主仰止誕彌之慶  
集于建丑之正端玉旅庭爰講比鄰之好虎臣在泮  
自通西域之琛式燕示慈與人均福恭惟皇帝陛下

睿思冠古濬哲自天煥乎有文日講六經之訓述而  
不作思齊累聖之仁夷夏宅心神人協德卜年七百  
方過曆以承天有臣三千咸一心而戴后彤庭振蕩  
玉座傳觴誦干戈載戢之詩作君臣相悅之樂斯民  
何幸白首太平臣猥以微生親逢盛旦始慶猗蘭之  
會願賡擊壤之音下採民言上陳口號

口號

灑灑示重瞳日月新四方驚喜識天人共知若木初升  
且且種蟠桃莫計春請史黑山歸屬國給扶黃髮拜  
嚴宸紫皇應在紅雲裏試問清都侍從臣



句合曲

祝堯之壽既罄於歡謠象舜之功願觀於備樂羽旄  
在列管磬同音上奉宸嚴教坊合曲

勾小兒隊

魚龍奏技畢陳詭異之觀齟齬成童各效回旋之妙  
嘉其尚幼有此良心仰奉宸慈教坊小兒八隊

隊名

兩階陳羽籥萬國走梯航樂隊

問小兒隊

工師在列各標自獻之能俛子盈庭必有可觀之技

未知來意宮悉奏陳

小兒致語

臣聞生民以來未有祖宗之仁厚上帝所眷錫以聖  
神之子孫享佑下民篤生我后瞻舜瞳之日月望堯  
顙之山河若帝之初達四聰於無外如川方至傾萬  
宇以來同恭惟皇帝陛下齊聖廣淵剛健篤實識文  
武之大者體仁孝於自然歌詩思齊見文王之所以  
聖誦書無逸法中宗之不敢康誕日載臨輿情共祝  
神笑授萬年之筭洛書開五福之祥臣等嬉遊天街  
沐浴皇化欲陳舞蹈之意不知手足之隨未敢自專



伏取進止

勾雜劇

金奏鏗紀既度九韶之曲霓衣合散又陳八佾之儀  
舞綴暫停伶優間作弄調絲竹雜劇來歟

放小兒隊

游童率舞逐物性之熙怡小技畢陳識天慈之廣大  
清歌既闕疊鼓屢催再拜天堦相將好去

勾女童隊

垂鬟在列歛袂稍前豈知北里之微敢獻南山之壽  
霓旌金集金奏方諧上奉威顏兩軍女童入隊

隊名

君臣千載遇歌舞八方同樂隊

問女童隊

揜搗屢作旌夏前臨顧游女之何能造形庭而獻技  
欲知來意宜悉奏陳

女童致語

妾聞瑞已來翔共紀生商之兆群龍下集適同浴佛  
之辰佳氣充庭和聲載路輦出房而雷動扇交程以  
雲開喜動人天春還草木恭惟皇帝陛下凝神昭曠  
受命穆清三后在天宜興王之世有四人迪哲知稟



國之無窮乃眷良辰欲均景福庭設九賓之禮樂歌  
四牡之章妾等幸覩昌期獲瞻文陛雖乏流風之妙  
願輸率舞之誠未敢自專伏候進止

勾雜劇

清淨自化雖莫測於宸心詠笑雜陳亦俛同於衆樂  
金絲再舉雜劇來歟

放女童隊

分庭久立漸移愛日之陰振袂再成曲盡回風之態  
龍樓却望鼉鼓屢催再拜天階相將好去

紫宸殿正旦教坊詞

元祐四年

教坊致語

行夏之時正莫加於人統採周之舊王方在於  
錫京惟吉月之布和休庶工而未作使華遠集鄰好  
交修萃簪笏於九門來車書於萬里將興嗣歲以樂  
太平恭惟皇帝陛下躬履至仁誕膺眷命法天地四  
時之運民日用而不知傳祖宗六聖之心我無為而  
自化九德咸事三年有成始御八音之和以臨元日  
之會人神相慶夷夏來同臣等忝與賤工得親壯觀  
知輿情之願頌顧盛德之難形不度荒蕪敢進口號

口號



九霄清蹕一聲雷萬物欣榮意已開曉日自隨天仗  
出春風不待斗杓回行看莒葉催耕籍共喜椒花映  
壽杯欲識太平全盛事師師鵷鷺滿雲臺

勾合曲

東風應律南籥在庭餞臘迎春方慶三朝之會登歌  
下管頽聞九奏之和上悅天顏教坊合曲

勾小兒隊

工師奏技咸踴躍以在庭樺孺聞音亦回翔而赴節  
秀資共樂豈間微情上素衣歡教坊小兒入隊

隊名

紅山來絳節雲海戲群鴻樂隊

問小兒隊

六樂充庭九賓在列何彼垂髮之侶欲陳振袂之能  
必有來誠少前敷奏

小兒致語

臣聞正月十日萬彙所以更新群臣嘉賓四方於是  
觀禮雪方占於上瑞風已告於先春及此良辰設為  
高會恭惟皇帝陛下子來九有天覆地民煥乎其有  
文章昭然若揭日月安西都護來輸八國之琛南極  
老人出效萬年之壽還圭璋於鄰使受圖籍於春朝



擊石撥金奏鈞天之廣樂跳九舞索戲平樂之都場  
臣等沐浴太平詠歌新歲鼓舞咸韶之韻踴揚鳥獸  
之間未敢自專伏候進止

勾雜劇

以雅以南既畢陳於衆技載色載笑期有悅於威顏  
舞綴暫停優詞間作金絲徐韻雜劇來歟

放小兒隊

酒闌金殿既均湛露之恩漏減銅壺曲盡流風之妙  
空形舞而申祝整翠袖以言歸再拜天堦相將好去  
興龍節集英殿宴教坊詞

教坊致語

臣聞天所眷命生而神靈惟三代受命之符萃于茲  
日實萬世無疆之福延及我民候南極之祥輝交北  
鄰之瑞節同趨鎬燕爭頌堯封恭惟皇帝陛下稽古  
溫文乘乾剛粹體生知而猶學歲妙用於何言故得  
六聖承休三靈眷佑德隆星畧齊六符而泰階平河  
行地中錫九疇而彞倫正屬誕彌之今日旦履長發之  
嘉祥風設九賓於廷遍舞六代之樂日無私於臨照  
葵藿自傾天有信於發生勾萌必達臣等歷塵法部  
獲造彤墀下採民言得三萬里之謠頌登歌壽學以



八千歲為春秋不度無音敢進口號

口號

風卷雲舒合兩班瞳瞳瑞日快天顏觀書已獲千秋  
鏡積德長為萬歲山騰雪未消三務起壬人不用五  
兵閑相逢父老爭相賀却笑華髮有是夢間

勾合曲

笙磬同音考中聲於神鼓鳥獸率舞浹和氣於敷天  
上奉宸歡教坊合曲

勾小兒隊

樂技旅庭振歡聲於無外游童頌聖陶至化於自然

上奉皇威教坊小兒入隊

隊名

壤歌皆白髮象舞及青矜樂隊

問小兒隊

跳踉廣陌初疑竹馬之遊合散彤墀忽變驚鴻之狀  
欲知來意宜悉敷陳

小兒致語

臣聞流虹啓聖非人力所致之符湛露均恩與天下  
共亨其樂旁行海宇外薄戎夷咸欣載夙之辰共獻  
無疆之祝恭惟皇帝陛下神武不殺將聖多能天生



德於予既稟徇齊之質入樂告以善輔成經緯之文  
法慈儉於東朝紬詩書於西學載臨誕日俛答輿情  
非為靡曼之觀庶備太平之福臣等樂生韶亂學樂  
父師就列紛紛雖無殊於鳥獸赴音俛仰亦少效於滄  
塵未敢自專伏候進止

勾雜劇

樂且有儀方君臣之相悅張而不弛豈文武之常行  
欲佐歡聲宜陳善謔金絲徐韻雜劇來歟

放小兒隊

末技畢陳下情無壅既成文於綴兆猶歛袂以回翔

拜天堦相將好去

勾女童隊

飛步壽山起香塵於羅襪散花御路泛回雪於錦茵  
上奉宸顏兩軍女童入隊

隊名

生商末瑞鳳浴佛降群龍樂隊

問女童隊

王座天臨雖仙凡之有隔翠鬟雲合豈草木之無知  
馨通天堦悉陳末意

女童致語



東坡雜詩  
卷之五  
黃閣十里一曲變澄瀾於濁河萬歲三稱隱歡聲於  
靈岳天人並應夷夏來同雖云北里之微敢獻華封  
之祝恭惟皇帝陛下睿文冠古神智無方同堯舜之  
性仁而能濟衆陋成康之刑措猶待積年共欣建丑  
之正再覩興龍之會桑田東海傾壽筭而未乾汗竹  
南山書頌聲而無極妾等幸緣賤藝獲望載顏振萬  
手庭欲赴千旌之節間歌以雅庶諧笙磬之音未敢  
自專伏候進止

幻雜劇

卒發軔傳歌鐘少闕必有應諧之妙以資載笑之歡

二悅天顏雜劇來歟

放女童隊

舞袂再成曲盡回風之妙分庭久立漸移愛日之陰  
再拜天堦相將好去

樂語終





Table with approximately 10 columns and several rows of text. The text is extremely faint and largely illegible. A large watermark 'UJ' is overlaid across the center of the page.

UJ



